

MEMORANDUM O SARADNJI
U OBLASTI
DRŽAVNE POMOĆI I KONKURENCIJE

Sarajevo, oktobar 2018. godine

Vijeće za državnu pomoć Bosne i Hercegovine, sa sjedištem u Istočnom Sarajevu, ul. Spasovdanska br. 22, koje zastupa Željko Peštić, predsjedavajući Vijeća

i

Konkurencijsko vijeće Bosne i Hercegovine, sa sjedištem u Sarajevu, ul. Dubrovačka br. 6, koje zastupa Adisa Begić, predsjednica Vijeća

uzimajući u obzir

da će se bliskom saradnjom između **Vijeća za državnu pomoć Bosne i Hercegovine** i **Konkurencijskog vijeća Bosne i Hercegovine** povećati efikasnost u ostvarivanju povjerenih nadležnosti oba organa i time doprinijeti poboljšanju dodjele i kontrole državne pomoći i zaštiti konkurencije

i

na osnovu člana 10. stav (6) iz Zakona o sistemu državne pomoći („Službeni glasnik BiH“ broj 10/12), kao i člana 25. stav (4) iz Zakona o konkurenciji („Službeni glasnik BiH“ br.48/05, 76/07 i 80/09) gdje se određuje opći pravni okvir za saradnju s drugim tijelima, **zaključuju**

MEMORANDUM O SARADNJI U OBLASTI DRŽAVNE POMOĆI I KONKURENCIJE

Član 1.

Uvodne odredbe

1. Ovim Memorandumom se uspostavlja saradnja između **Vijeća za državnu pomoć Bosne i Hercegovine** i **Konkurencijskog vijeća Bosne i Hercegovine** (u daljem tekstu: **strane Memoranduma**) u cilju efikasnijeg primjenjivanja pravila državne pomoći i konkurencije, radi pravilne i transparentne politike i kontrole državne pomoći, osiguravanja slobodne konkurencije i zaštite i promocije tržišne konkurencije u Bosni i Hercegovini, a sve u svrhu uspostavljanja i obezbjeđivanja konkurentnih tržišnih uslova u Bosni i Hercegovini.

2. Potpisivanjem ovog Memoranduma, strane Memoranduma izražavaju svoju spremnost za saradnju u oblasti državne pomoći i zaštite konkurencije, na osnovu uzajamnog povjerenja i razumijevanja i slažu se da svoju saradnju uspostave na principima i postupku navedenim u ovom Memorandumu.

Član 2.
Područje za saradnju

1. Strane Memoranduma su se složile da saraduju u oblasti državne pomoći i zaštite konkurencije u cilju jačanja sistema kontrole državne pomoći i uspostavljanja i osiguranja konkurentnih tržišnih uslova, kao i promocije i podrške razvoju konkurencije u Bosni i Hercegovini.
2. Strane Memoranduma su se složile da saraduju i u drugim oblastima koje se direktno ili indirektno odnose na kontrolu državne pomoći i zaštitu konkurencije.

Član 3.
Oblici saradnje

1. Saradnja strana Memoranduma ostvaruje se naročito kroz:

- razmjenjivanje podataka i informacija;
- razmjenjivanje metodologije, analize i istraživanja kao i svih drugih dokumenata koje su strane Memoranduma u okviru svoje nadležnosti već uradile, a mogu biti od koristi drugoj strani Memoranduma;
- saradnju u provođenju zajedničkih analiza i istraživanja, programa i projekata;
- saradnju u slučajevima koji zahtijevaju stručna znanja druge strane Memoranduma kao i međusobnu razmjenu iskustava;
- pripremu stručnih mišljenja na zahtjev i za potrebe druge strane Memoranduma;
- međusobno obavještanje u slučajevima gdje jedna od strana Memoranduma sumnja u kršenje propisa za čije provođenje je odgovorna druga strana Memoranduma;
- saradnju u obukama i prenosu znanja i iskustava iz svoje nadležnosti na radionicama i seminarima organizovanim od strana Memoranduma;
- razmjene obavijesti za konferencije, seminare, radionice, obrazovne programe itd. koje organizuje treća strana ili međunarodna organizacija u korist jedne od strana Memoranduma koji mogu da budu od interesa za drugu stranu Memoranduma;
- saradnju putem razmjenjivanja stavova, kao i konsultacija vezanih za pripremu nacрта novih ili izmjenu i/ili dopunu postojećih propisa od zajedničkog interesa;

- saradnju u međunarodnim inicijativama;
- koordinaciju aktivnosti vezanih za izradu smjernica o radu i postupku kad je riječ o ostvarivanju oblika saradnje navedenih u ovom članu;
- međusobnu razmjenu knjiga, publikacija i druge stručne literature.

Član 4.

Razmjena podataka i informacija

1. Strane Memoranduma, u skladu sa svojim zakonskim obavezama, razmjenjuju podatke i informacije potrebne u obavljanju svojih ovlaštenja.
2. Obim razmjene podataka i informacija je ograničen na podatke i informacije koje su relevantne i odgovaraju svrsi za koju se razmjenjuju.

Član 5.

Povjerljivost podataka i informacija

1. Strane Memoranduma će osigurati zaštitu i povjerljivost informacija i podataka koje dostavlja druga strana. Strana Memoranduma koja prima povjerljive podatke i informacije pruža identičan stepen povjerljivosti podataka i informacija koje su predmet razmjene kao strana Memoranduma koja šalje te podatke ili informacije.
2. Strana Memoranduma, koja dostavlja povjerljive podatke i informacije drugoj strani Memoranduma, najprije obavještava osobu koja je dala te podatke i informacije da ih namjerava dostaviti drugoj strani Memoranduma.
3. Dokumenta koja sadrže povjerljive informacije i podatke koji su dobijeni na osnovu ovog Memoranduma ne mogu se prosljeđivati ili na bilo koji način stavljati na raspolaganje trećim stranama, i ne mogu se koristiti u bilo koju drugu svrhu osim za onu za koju su pribavljeni, ukoliko se ne dobije prethodni pismeni pristanak strane koja je dostavila podatke.

Član 6.

Završne odredbe

1. Memorandum o saradnji se zaključuje na neodređeno vrijeme, a svaka strana Memoranduma može zahtijevati njegove izmjene putem pisane obavijesti.
2. Memorandum o saradnji stupa na snagu danom potpisivanja ovlaštenih lica strana Memoranduma.

3. Ovaj Memorandum sačinjen je u (4) četiri istovjetna primjerka, po dva za svaku stranu Memoranduma.

U Sarajevu, dana 28.12. 2018. godine.
Broj: 03-50-1-210-1118

U Sarajevu, dana 27.12. 2018. godine.
Broj: 01-50-430-1/18

Za Vijeće za državnu pomoć BiH



Željko Pešić, predsjedavajući

Za Konkurencijsko vijeće BiH



Adisa Begić, predsjednica